

Vanzgyangh:

Hoihfwen Bet Nyied Cibngux Singfwen Goksak

环江: 中秋山歌会 歌声漫天飞

Gaijgwz hailangh geijcib bei(bi), lwgminz vuenheij gvaq ndwenngoenz; cwngcwz dangj ndei beksingq haenh, gwndaenj vaiqvued fanh bei raez.” “Lwgminz Mauznanz ciengq beij moq, saimbwk lauxcoz cungj angqyangz; gwn ndei youq ndei raeuz baengh dangj, diuzroen siujgangh gvangqliulu.”

9 nyied 7 hauh daengz 8 hauh, Vanzgyangh Mauznanzcuz Swciyen youq yienh vwnzdijgiz hai hoihfwen, angqhoh ciet bet nyied cibngux. Song hot fwen gwnzneix couhwdg canghfwen Danz Yenli youq gwnz daizfwen eu haenx.

Baez hoihfwen neix, dwg Vanzgyangh Sanhgoh Hezvei laebbaenz le banh aen hoihfwen ceiq hung ndeu. Daengx yienh 12 aen yangh cin cungj senj canghfwen daeuj camgya, gungh miz 90 boux canghfwen daeuj camgya eu fwen. Gvangjsih Sanhgoh Yozvei veicangj Cinz Siengzcouh cienmonz daj Nanzningz daeuj camgya aen hoihfwen hoengghwd neix, de youq gwnz hoihfwen

haenh Vanzgyangh guh hong fwen senhconz guh ndaej ndei, saimbwk lauxcoz cungj maij eu fwen, de lij eu fwen hoh aen hoihfwen neix.

Youq gwnz daizfwen, gyoengq boux canghfwen Mauznanzcuz、Bouxcuengh、Bouxgun、Suijczuz、Buyihczuz daengj cungj angq dwk eu fwen doiq fwen. Boux canghfwen nienzgeij ceiq geq dwg Cinz Haijbinh daxbuz, de gaeng 83 bi, de youq gwnz daiz mboujdan eu fwen, lij byaujyenj vaiqbenj dem, ndaej daengz daengx ciengz vunlai dopfwngz haenh ndei. Baez hoihfwen neix, neiyungz fwen dwg haenh Vanzgyangh gyaundeiz、haenh lwgminz gaendaenj vuenyungz、gaenxguh baenz fouq、ciet bet nyied cibngux siengjniemh beixnuengx baengzyoux daengj. Aenvih neiyungz fwen moq, sing canghfwen youh ndeidingq, ndigah, daengx aen hoihfwen sing hemq sing bekfwngz mbouj dingz mbouj duenh, nauhyied dangqmaz.

(Veiz Yennaz/韦愿娜)



▲Gwnz hoihfwen vunz lai vunz daih.



▲Gvangjsih Sanhgoh Yozvei veicangj Cinz Siengzcouh gaem fwngz boux canghfwen 83 bi Cinz Haijbinh, haenh bouxlaux eu fwen ak.



▲Boux canghfwen hab'ing louzniemh.



▲Canghfwen youq gwnz daiz eu fwen.

De Youq Ndaw Bya Souj “Ngoenzcog”

他在大山深处坚守“明天”

Cenzcouh Yen Ciuh-gyangh Yauzcuz Yangh Dayenz Cunh Gujmajdenz Siujyoz lauxsae Luz Gyahhungz bineix 57 bi, lij miz 3 bi de couh duiyoh lo. Luz lauxsae youq ndaw mbanj neix guh lauxsae gaeng 38 bi. Vunzmbanj raen Luz lauxsae couh naeuz: “Luz lauxsae, daengz mwngz duiyoh le, dou lij cingj mwngz ma hawj gyoengq-lwg son saw.” Luz lauxsae dingq le cungj riuhaha hwnjdaej. Vunzmbanj naeuz, gyau lwg hawj Luz lauxsae, gyoengqde gig cuengqsim.

(Cenzcouh)



▲Cuengghag le Luz lauxsae soengh harseng bae ranz.



▲Luz Gyahhungz lauxsae son hagseng guh cozyez.

Dava: Langhmbin Siengj-muengh Dijyuz Lwgnyez

大化: 放飞瑶山孩子体育梦



Youq Dava Yauzcuz Swciyen Daihngaih Cunghyoz, moix daengz aenlingz gogenh hozdung yiengj seiz, gyoengq hagseng couh ok gyausiz daeuj buet、dwk lanzgiuz、diuqcag、dwk binghbanghiuz daengj gij hozdung neix, gyoengqde lij aeu lunzdaih gaeuq、gag guh daehsa daeuj guh diyyuz yinlen. Yienznaeuz diuzgen ca, hoeng, gyoengq hagseng cungj youq ndaw diyyuz langhmbin gij siengjmuengh swheij. Aen hagdangz neix, moix bi cungj miz 40 lai boux hagseng gauj ndaej diyyuz yenyau. Vihliux baujcingq moix ngoenz miz diemj cung ndeu hawj hagseng donlen ndangdaej, Dava Yauzcuz Swciyen dawz gogenh diemj cung ndeu bien haeuj gocwngzbyauj bae, hawj gyoengq hagseng youq donlen ndangdaej ndawde vaiqvued majhung.

(Cangh Ailinz)